

Ինտեգրման խաչմերուկներում. Հայաստանի ընտրությունները

Համառոտագիր



Մարդկային
գարգացման
միջազգային
կենտրոն

Դեպի Արևմուտք. Եվրամիությանն ինտեգրվելու Հայաստանի ձգտումը

Եվրաինտեգրումը մշտապես եղել է Հայաստանի Հանրապետության արտաքին քաղաքական գերակայություն: Անկախության առաջին տարիներից Հայաստանը որդեգրել է եվրոպական չափանիշների ուղին՝ իրականացնելով մի շարք բարեփոխումներ՝ ուղղված շուկայական տնտեսության, արդյունավետ կառավարման, ժողովրդավարության, մարդու իրավունքների և օրենքի գերակայության ամրապնդմանը: ՀՀ իշխանությունները գիտակցում են, որ Եվրոպայի հետ սերտ առևտրական հարաբերությունների հաստատումը խիստ շահավետ է երկրի տնտեսության զարգացման համար: Թեև Հայաստանն ընդհանուր սահման չունի ԵՄ-ի հետ և չըջափակված է իր երկու հարևանների կողմից, Հայաստանից արտահանվող ապրանքների առյուծի բաժինը արտահանվում է դեպի ԵՄ՝ ընդգծելով Եվրաինտեգրման շոշափելի տնտեսական շարժառիթները: Հատկանշական է, որ ԵՄ-ի հետ Ասոցացման համաձայնագրի, ինչպես նաև Խորը և համապարփակ ազատ առևտրի գոտու (ԽՀԱԱԳ) ստեղծման շուրջ բանակցություններն ընկած են Եվրամիություն-Հայաստան համագործակցության սրտում: ԽՀԱԱԳ-ի շրջանակներում ԵՄ-ն կարող է ոչ միայն ծավալուն աջակցություն տրամադրել Հայաստանին, այլև բարձրացնել միջազգային ներդրողների հետաքրքրությունը Հայաստանի հանդեպ: Ավելին, Եվրամիության հետ համաձայնագիրը կարող է նպաստել Թուրքիայի կողմից ՀՀ ապաշրջափակման գործընթացին, քանի որ փակ սահմանները հակասում են ԵՄ սկզբունքներին և միջազգային առևտրի շահերին: Նման պնդումն ավելի համոզիչ է դառնում, երբ հաշվի ենք առնում, որ Թուրքիան (ինչպես նաև Եվրոպական մի շարք գաճաճ-պետություններ), չլինելով Եվրամիության անդամ, անդամակցում է ԵՄ - Մաքսային միությանը (բացառությամբ գյուղատնտեսական ապրանքների): Միաժամանակ, Մաքսային միության անդամները պարտավոր են կիրառել ընդհանուր արտաքին սակագին միության տարածք մտնող բոլոր ապրանքների, մասնավորապես, Հայաստանից Թուրքիա մտնող ապրանքների համար:

Ընդհանուր առմամբ, Եվրաինտեգրումը Եականորեն դրական ազդեցություն կունենա Հայաստանի զարգացման համար: Սակայն, այն կարճաժամկետ գործընթաց չէ, քանզի հանրապետությունը պարտավոր է հաղթահարել տնտեսական և քաղաքական բազմաթիվ մարտահրավերներ միջնաժամկետ հատվածում:

Հայաստանն ու Եվրասիական Միությունը

Նախկին ԽՍՀՄ պետությունների, մասնավորապես, Ռուսաստանի հետ սերտ համագործակցությունը նպաստում է ՀՀ պետական անվտանգության ու տարածաշրջանային կայունության ամրապնդմանը և նույնպես Հայաստանի գերակայություններից է: Հայաստանցիների զգալի հատվածը Ռուսաստանին համարում է բարեկամ պետություն և հակված է ՌԴ-ի հետ ավելի սերտ հարաբերությունների հաստատմանը: Շրջանաձևվող տեսակետներից մեկի համաձայն, ստեղծվելիք Եվրասիական Միությունը, որի գաղափարն առաջ է քաշվել ՌԴ-ի կողմից և աջակցություն ստացել Բելառուսից ու Ղազախստանից, կարող է ծառայել որպես արդյունավետ հարթակ Հայաստանի՝ Եվրասիական ինտեգրման գործընթացում: Կարծիք կա նաև, թե Հայաստանի համար առավել բարեբեր կարող է լինել ոչ թե Եվրաինտեգրման, այլ Եվրասիական ինտեգրման ուղին: Այս տեսակետի կողմնակիցներն առաջ են քաշում այն փաստարկը, որ Հայաստանում արտադրվող բազմաթիվ ապրանքներ մրցունակ չեն ԵՄ շուկայում, մինչդեռ ավելի լավ կվաճառվեն Անկախ Պետությունների Համագործակցության (ԱՊՀ) շուկաներում: Հայաստանի հնարավոր անդամակցությունը Ռուսաստանի, Բելառուսի և Ղազախստանի Մաքսային միությանը դիտարկվում է նաև վերոհիշյալ համատեքստում:

Միաժամանակ, անհերքելի են Հայաստանի՝ Եվրասիական Միությանն անդամագրվելուն խոչընդոտող մի շարք լրջագույն մարտահրավերներ: Այսպես, Մաքսային միության անդամ Ղազախստանը պնդում է, որ ՀՀ-ն միանա Միությանը առանց Լեռնային Ղարաբաղի Հանրապետության (ԼՀՀ): Զաղաքական հետևանքներից զատ, նման մոտեցումը ենթադրում է նաև մաքսային հսկողության հաստատում Հայաստանի և ԼՀՀ-ի միջև, ինչն անընդունելի է Հայաստանի համար: Ռուսաստանի Դաշնությունը, իհարկե, ցանկանում է տեսնել Հայաստանը Եվրասիական միությունում և դրա Մաքսային միությունում, սակայն չի կամենում կորցնել Ղազախստանը ի շահ Հայաստանի: Ի տարբերություն Մաքսային միությանը, ԵՄ-ն չի պահանջում սահմաններ գծել ՀՀ-ի և ԼՀՀ-ի միջև: Բացի այդ, կարծիք կա, որ Եվրասիական միության անդամ-երկրներում (Ռուսաստանում, Ղազախստանում և Բելառուսում) ավտորիտար ռեժիմներ են իշխում, ուստի այդ միությանն ինտեգրվելը կարող է հանգեցնել նմանատիպ ռեժիմի հաստատմանը նաև Հայաստանում: Մինչդեռ, Եվրամիությունը դիտվում է որպես Հայաստանի լավագույն գործընկերը ժողովրդավարության և արդյունավետ կառավարման



Երևան 0001
Սայաթ Նովա 19
Հեռ.՝ +374 10 582638
Ֆաքս՝ +374 10 527082

mail@ichd.org
www.ichd.org

հաստատման գործում: Հատկանշական է, որ Հայաստանը ընդհանուր սահման չունի նաև Մաքսային միութ-
յան հետ:

Ընտրությունը Եվրամիության և Եվրասիական Միության միջև

Հայաստանի քաղաքական վերնախավը փորձում է հասնել առևտրի համաձայնության միաժամանակ
թե՛ ԵՄ-ի, թե՛ Մաքսային միության հետ՝ հայտարարելով, որ ինտեգրումը ԵՄ-ին, ԱՊՀ-ին և Եվրասիական
միությանը չպետք է դիտվեն որպես միմյանց բացառող գործընթացներ: Մինչդեռ 2012թ.-ին Հայաստանը վա-
վերացրել է ԱՊՀ ազատ առևտրի գոտու վերաբերյալ պայմանագիրը, և ցանկանում է նաև նախաստորագրել
Ասոցացման համաձայնագիր ԵՄ-ի հետ: Սակայն, գործընկերները մարտահրավերներ են նետում հայաս-
տանյան քաղաքական էլիտայի նման մոտեցմանը. 2012թ.-ի դեկտեմբերին Եվրոպական միության Արտաքին
հարաբերությունների և անվտանգության քաղաքականության հարցերով գերագույն հանձնակատարի խոս-
նակը նախազգուշացրեց. «Եթե Հայաստանը միանա որևիցե մաքսային միության, այդ հանգամանքը համա-
տեղելի չի լինի ԵՄ-ի հետ հորը և համապարփակ ազատ առևտրի գոտու ստեղծման շուրջ երկկողմ պայմա-
նագրի կնքման հետ: Բանն այն է, որ մաքսային միությունը ունի արտաքին առևտրի մեկ միասնական քաղա-
քականություն, իսկ առանձին անդամ պետությունն այլևս չի կրում սուվերեն իշխանություն իր արտաքին
առևտրի քաղաքականության նկատմամբ»:

Չնայած այս հստակ հայտարարությանը, ակտիվորեն քննարկվում է հետևյալ հարցը. արդյո՞ք Եվ-
րաինտեգրումը և Հայաստանի անդամակցությունը Եվրասիական միությանը միմյանց հակասող գործըն-
թացներ են, թե կարող են իրականացվել զուգահեռաբար: ԵՄ ընդլայնման և Եվրոպական Հարևանության
քաղաքականության հարցերով հանձնակատար Շտեֆան Ֆյուլեն պնդում է, որ ԵՄ-ն նախապայամաններ չի
դնում իր գործընկերների առջև, և առաջիկա պայմանագրերը չեն վնասի Հայաստանի և Նրա գործընկեր -
Ռուսաստանի միջև առկա սերտ հարաբերություններին, որոնք այդքան կարևոր են ՀՀ-ի պետական անվ-
տանգության տեսանկյունից: Որքան Հայաստանը առաջ է շարժվում Եվրաինտեգրման գործընթացում,
այնքան ավելի հավասարակշռված և մեղմ են դառնում Եվրոպական ամբիոններից արվող հայտարարու-
թյունները: Միաժամանակ, շարունակաբար փորձելով հարկադրել Հայաստանին անդամակցելու Մաքսային
միությանը՝ Ռուսաստանը հեռացնում է ՀՀ-ին Յուսիս-Արևելք առանցքից: Վերջին իրադարձությունները, այդ
թվում՝ ՌԴ-ի և Ադրբեջանի միջև կայացած համաձայնությունը սպառազինության վաճառքի շուրջ, Ռուսաս-
տանին պատկանող ընկերությունների կողմից գազի և էլեկտրաէներգիայի սակագների բարձրացումը, հայ
աշխատանքային միգրանտների հանդեպ ստորացուցիչ վերաբերմունքը և ռուսաստանյան ՉԼՄ-ների կող-
մից բարձրաձայնվող ազգային պատկանելիության վրա հիմնված խտրականությունը, ապացուցում են, որ
Ռուսաստանը ձախողել է տարածաշրջանային ինտեգրման գրավիչ միջավայրի ձևավորման գործընթացը և
շարունակում է հիմնականում հույսը դնել առավելապես «մտրակի» քաղաքականության վրա: Նման մոտե-
ցումը կարող է հարկադրել Հայաստանին անվտանգության երաշխիքների այլընտրանքային ուղիներ
փնտրել: Ճիշտ այնպես, ինչպես աշխարհի կորած անկյունում փակ սահմաններից այն կողմ հնարավոր բոլոր
մարտահրավերներին դիմակայելու պարտադրված Հայաստանը վարվեց տնտեսական զոյաուճման և զար-
գացման խնդիրներում:

*Համառոտագիրը մշակվել է 2013թ-ի հունիսի 25-ին կայացած՝ «ԵՄ և ԵԱՄ. Հայաստանը
տարածաշրջանային համատեքստում» վերնագրով քննարկման մասնակիցների կողմից ար-
տահայտված կարծիքների հիման վրա: Կլոր սեղանին մասնակցում էին անկախ վերլուծաբան-
ներ, պետական պաշտոնյաներ, միջազգային կառույցների ներկայացուցիչներ:*

*Քննարկումը կազմակերպվել էր «Սևծովյան տարածաշրջանի խաղաղաշինական ցանցի»
աջակցությամբ:*

